

玄覽堂叢書

第九十四冊

士覽全集

卷二十一

東夷考畧

附圖

女直通考

海西女直考

建州女直考

浣花居藏板


攷原

自有東寇

主憂臣瘁而議全策告局

等奕基爰鑒往以察來庶

懲噎而改轍故考東夷在



昔女直既殊生熟之稱即
今海西亦列南北之號瓜
分豆剖厥裔實繁頃蚕
食業騁于兩關而鯨吞敢
恣于上國耳目所逮寧過

而存之故通考外渡次海
西達州齒馬自宜引嫌枳
蟲不妨寫臆唯執簡以俟
斷
自

先帝之登遐而企踵以須

徐聽後人之補塞庶紓憂
恤幸遭謗書故考東夷訖
于萬曆紀年疆場一被一
此蒙茸將誰適忙語不云
乎中流遇風何沒也肉

食者鄙匪沿曹劌之謀
謀野則獲竊取裨謀之
義故諸攷輒叅以緒論
古亦有談兵於聚米或
畫地以成圖量彼此情
形多筭

乃勝問山川險易拒掌為
銀間假顧陸之丹青稍
佐韓白之畫榮昌可少哉
故作諸考先以地圖云爾

浣花主人書



東夷考畧目

荅上愚公撰次

女直通考

海西女直考

建州女直考

附

遼東全圖

開鐵圖

開原控帶外夷圖

瀋陽圖

遼陽圖

廣寧圖

海運餉道圖

東事答問

茗上愚公傳

女直

女直始著東漢曰挹婁古肅慎國在夫餘東北千餘里東濱大海阻山穴居塗豕膏禦寒無君長射用楛矢石鏃長尺八寸出赤玉豐貂所謂挹婁貂也自漢臣屬夫餘魏黃初中始叛便乘舟寇劫景元末以楛矢石砮弓貂來貢歷元魏號勿吉延興中遣使乙力支朝獻從契丹西界達和龍言繇水道密謀百濟取高句麗其國在高麗北有大水廣餘三里名粟末水發原太白山入隋號靺鞨凡七

部。其一粟末部。依水南抵太白。與高麗接。頗相寇
者也。稍東白山部。臣高麗餘部各勝兵數千人。而
黑水部尤勁。居極北。唯粟末白山近隋境。其俗常
以秋月造毒藥。傅矢射禽獸。立死。畜多豕。衣其皮。
以溺濯面。於諸夷中最穢。開皇初。遣使貢獻。聞其
國西北接契丹。每寇掠。因誡使罷攻。唐征高麗。靺
鞨各部奔散。而粟末與黑水獨存。粟末一稱渤海。
更號黑水靺鞨。渤海靺鞨。貞觀二年。黑水渠長阿
固郎臣附。以其地爲燕州。開元十年。置黑水府。賜

其酋姓李氏。名獻誠。以雲麾將軍領黑水經畧使。訖元和朝。獻而渤海附高麗者。姓大氏。高麗滅。保挹婁之東。牟山。武后時。大乞乞仲象與靺鞨酋乞四比羽東度遼水。分王高麗故地。武后遣將擊殺比羽。而仲象亦病歿。其子祚榮。并比羽之衆。負險建國。勝兵數萬。盡得扶餘。沃沮。弁韓。朝鮮。海北諸國地。睿宗遣使拜祚榮渤海郡王。以所總爲忽汗州。領都督。自是去靺鞨。專稱渤海。傳孫欽茂。天寶末徙上京。直舊國三百里。忽汗河之東。寶應元年。

以渤海爲國。王之。五傳仁秀。頗拓境。遣諸生詣京師習制度。遂爲海東盛國。有五京。十五府。六十二州。以肅愼故地爲上京。南爲中京。獺独故地爲東京。沃沮故地爲南京。高麗故地爲西京。西京曰鴨綠府。朝獻訖咸通。世役屬黑水。五代時。契丹盡取渤海地。而黑水靺鞨因附屬阿保機。遷其豪數千家於遼陽南。曰合蘇館。由是黑水部落在南者藉奔丹。號熟女真。在北者不入藉。號生女真。後避興宗諱。改女直。地有混同江。長白山。混同江水色微

黑亦名黑龍江。卽粟末河。發原太白山。一曰長白。橫亘百里。巔有水源。下注成湖。出東珠。貴者直千金。南流爲鴨綠江。北流爲混同江。達五國城。東入于海。其出北山。南流入松花江。是爲白山黑水。金所繇開國也。始祖從高麗來完顏部。部有女年六十。未嫁。配生男。遂爲完顏人。自烏古執叛。遼節度拔乙門以獻。遼主以爲生女直部族。節度使至孫阿骨打滅遼。爲金祖。以始興地爲會寧府。更稱上京。初女直兵未嘗滿千。及聲伐遼。督諸路。

兵會來流水。得二千五百人。并召渤海。曰。女直渤海本一家。戰鴨子河。始滿萬。遠人言女直滿萬。則不可敵。既屢捷。以金堅不壞。色白。而完顏部色尚白。遂號大金焉。元滅金。卽扶餘故壤。改開元路。治黃龍府。別置合蘭府。水達達等路。設軍民萬戶府五。分領混同江南北之地。各仍女直俗相統攝。國初定開元。改開原道。控帶諸夷。女直各部。在混同江以東。東濱海。西接兀良哈。南隣朝鮮。北至奴兒干。畧有三種。自湯站東抵開原。居海西者。爲海